

Aningaasalersuineramik ingerlataqarneq pillugu inatsisip, aningaasaqarnikkut patajaassuseq pillugu inatsisip, aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsisip, pappiaranik nalilinnik nioqquteqarneq il.il. pillugit inatsisip aammalu akileraarusiiffimmik inatsisip allanngortinneqarnissaat pillugit inatsimmi § 3-p ilaata Kalaallit Nunaanni atuutilersinneqarnissaa pillugu peqqussut (Aningaasanik atorniartarfiit aamma aningaasaliissuteqarnermut piginneqatigiiffiit napparteqqinneqarniarnerannut atorunnaarsinneqarnerannullu peqqussutip (BRRD) aamma aningaasaliissutinik qularnaarnermut aaqqissuussinerit pillugit peqqussutip (DGSD) piviusunngortinnera)

UAGUT MARGRETHE AAPPAAT, Guutip saammaassineraqut Danmarkip Dronningia, uppersarparput:

Aningaasalersuineramik ingerlataqarneq pillugu inatsisip, aningaasaqarnikkut patajaassuseq pillugu inatsisip, aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsisip, pappiaranik nalilinnik nioqquteqarneq il.il. pillugit inatsisip aammalu akileraarusiiffimmik inatsisip allanngortinneqarnissaat pillugit inatsit nr. 334, 31. marts 2015-imeersumi § 8, imm. 2¹, malillugu (Aningaasanik atorniartarfiit aamma aningaasaliissuteqarnermut piginneqatigiiffiit napparteqqinneqarniarnerannut atorunnaarsinneqarnerannullu peqqussutip (BRRD) aamma aningaasaliissutinik qularnaarnermut aaqqissuussinerit pillugit peqqussutip (DGSD)) piviusunngortinnera) aalajangersarneqarpoq:

§ 1

Aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsisimmi, kunngip peqqussutaa nr. 137, 9. marts 2005-imeersukkut Kalaallit Nunaannut atuutsinneqalersumi, peqqussut nr. 1048, 1. september 2010-meersukkut, peqqussut nr. 1047, 1. september 2010-meersukkut, inatsit nr. 1556, 21. december 2010-meersukkut, peqqussut nr. 303, 27. marts 2012-imeersukkut, peqqussut nr. 685, 28. juni 2012-imeersukkut, peqqussut [inatsit nr. 1231, 18. december 2012-imeersaq pillugu] kiisalu peqqussut [inatsit nr. 403, 28. april 2014-imeersaq pillugu] allanngortinneqartumi tulliuttunik allannguisoqassaaq:

1. Peqqussutip *qulequtaa* imatut oqaasertalerneqassaaq:

»Aningaasaliisartunut aningaasalersuisartunullu qularnaveeqqusiisarnermik aaqqissuussineq pillugu inatsisip Kalaallit Nunaannut atuutsinneqalernissaa pillugu peqqussut«.

2. Inatsimmi tamarmiusumi »atorunnaarsitsinerit nappartitseqqinniaanermullu immikkoortoqarfik« allanngortinneqassaaq: »nappartitseqqinniaanermut immikkoortoqarfik«-nngorlugu, aamma »Atorunnaarsitsinerit nappartitseqqinniaanermut immikkoortoqarfik« allanngortinneqassaaq: »Nappartitseqqinniaanermut immikkoortoqarfik«-nngorlugu.

¹Aalajangersagaq imatut oqaasertaqarpoq: »Imm. 1. § 1 aamma 3-5 Savalimmiunut aamma Kalaallit Nunaannut atuutinnigillat, taamaattoq tak immk. 2. Imm. 2. § 1, 3 aamma 4 kunngip peqqussutaatigut Savalimmiunut aamma Kalaallit Nunaannut tamakkiisumik ilaannakortumilluunniit atuuttussanngortinneqarsinnaapput, Savalimmiuni aamma Kalaallit Nunaanni pissutsit pisariaqartitaannik allannguutitalerlugit.«

3. Kapitel 1-imut qulequtaq imatut oqaasertalerneqassaaq:

»Kapitali 1

Qularnaveeqqusiinermut aningaasaatit killiffiat atorveqarfissaallu.

4. § 1 imatut oqaasertalerneqassaaq:

»§ 1. Aningaasaliisut aningaasalersuisullu qularnaveeqqusiinerannut aaqqissuussineq aningaasaliisut aningaasalersuiullu qularnaveeqqusiinerannut aningaasaateqarfittut aaqqissuunneqassaaq (Qularnaveeqqusiinermut aningaasaatit) sisamanik immikkoortortaqluni, tak. § 5. Qularnaveeqqusiinermut aningaasaatit Aningaasaqarnikkut Patajaassusermik allaffissornikkut aqunneqassapput inatsit manna naapertorlugu.

Imm. 2. Qularnaveeqqusiinermut aningaasaateqarfiup aningaasaliisut aningaasalersuisullu suliffeqarfinni § 3, imm. 1-imi aamma § 4-mi taaneqartuni nappartitseqqinniarluni suliniartoqassappat imaluunniit akiliisin-naajunnaartoqassappat §§ 9-11 naapertorlugit annaasaasa matussusernerannut ikiussavaat.

Imm. 3. Qularnaveeqqusiinermut aningaasaatit pisussaaffiunut Aningaasaqarnikkut Patajaassuseq akiliisusaatitaanngilaq, aamma Qularnaveeqqusiinermut aningaasaatit taamaallaat nammineq pisussaaffimminut akiliisusaatitaavoq.

Imm. 4. Qularnaveeqqusiinermut aningaasaatit naliliutai akiligassaalu Aningaasaqarnikkut Patajaassutsip ingerlataasa sinnerinit immikkoortisimaneqassapput.

Imm. 5. Qularnaveeqqusiinermut aningaasaatit Qularnaveeqqusiinermut Aningaasaateqarfimmit aningaasaliisut aningaasalersuisullu naliliutaat akiligassaallu tamaasa tigussavaat, tamatumunngalu atatillugu pisin-naatitaaffiit pisussaaffiillu tamaasa akisussaaffigilissallugit, taamaasilluni naliliutit akiligassallu aningaasaliisut aningaasalersuisullu Qularnaveeqqusiinerannut Aningaasaateqarfiup immikkoortuisa ataanniittut Qularnaveeqqusiinermut Aningaasaatit ataanni immikkoortut assigisaannut nuunneqassallutik.

Imm. 6. Qularnaveeqqusiinermut aningaasaatit namminerisaminnik inatsisitigut pisinnaatitaasuunngillat pisussaataasuunatillu. Inatsiseqarnermut atatillugu Aningaasaqarnikkut Patajaassuseq Qularnaveeqqusiinermut aningaasaatit sinnerlugit sullissisassaaq.

Imm. 7. Qularnaveeqqusiinermut Aningaasaatit unitsinneqarpata, inuussutissarsiornermut ineriartortitsinermullu ministeri aningaasaqarnermut ministerip akuersissuteqarneratigut aalajangiissaaq Qularnaveeqqusiinermut Aningaasaatit qanoq atorveqassanersut. Qularnaveeqqusiinermut Aningaasaatit aningaasaataasa qanoq atornissaannik aalajangiineq ingerlatsiviit akiliuteqartartussaasut tusarniareernerisa kingorna pissaaq.

Imm. 8. Aningaasaqarnikkut Patajaassutsip Qularnaveeqqusiinermut Aningaasaatinik allaffissornikkut aqutsinera pillugu maleruagassanik erseqqinnerusunik inuussutissarsiornermut ineriartortitsinermullu ministeri aalajangersaasinnaavoq.«

5. §§ 2 aamma 2 a imatut oqaasertalerneqassapput:

»§ 2. Aningaasalersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumi § 224 a malillugu aningaaserivik ajornartorsiorpat imaluunniit ajornartorsiu-lernissaa ilimanaateqarpat, Aningaasaqarnikkut Patajaassuseq Qularnaveeqqusiinermut Aningaasaatit sinnerlugit aalajangersinnaavoq aningaasanik atugassiinermigut imaluunniit aningaaserivimmit pisassallit kingullingorti-taasimanngitsut tamarmiusut pisassaasa matussusernissaannut qularnaveeqqusiinermigut (kattunnermi pis-sarsiat) aningaaseriviup atorunnaarsinnissaanut peqataaniarluni. Aningaaserivimmik taamatut atorunnaarsit-

sineq akiliisinnaajunnaarnermik suliamit nalinginnaasumit Qularnaveeqqusiinermut Aningaasaatinut annikin-
nerusunik aningaasartuuteqarfiussasoq nalilernerqarpat, Aningaasaqarnikkut Patajaassuseq oqaaseqatigiit
siullit malillugit aalajangissaaq, Qularnaveeqqusiinermut Aningaasaatit soqutigisai mianeralugit.

Imm. 2. Aningaasaqarnikkut Patajaassuseq aningaasanik atugasiinermigut imaluunniit aningaaseriviup
aktiatigut, qularnaveeqqusiissutigut imaluunniit piginnittoqataanermigut aningaasaataasa aningaasalluunniit
allat kingulliutitaasut matussusernissaannut qularnaveeqqusiinermigut Qularnaveeqqusiinermut Aningaasaatit
sinnerlugit aalangiisinnaanngilaq.

Imm. 3. Aningaasartuutit kattunnermi pissarsianut namminernut attuumassuteqartut aamma aningaasar-
tuutit Aningaasaqarnikkut Patajaassutsip aqqissuussinermik naammassisitsiniaasutut pisussaaffigiligai Qu-
larnaveeqqusiinermut aningaasaatit akilissavai.

Imm. 4. Imm. 1 malillugu peqataanissamut Aningaasaqarnikkut Patajaassutsip siulersuisui aalangiisu-
ussapput.

Imm. 5. Qularnaveeqqusiinermut Aningaasaatit imm. 1 malillugu peqataanissaat allat peqatigalugit pisin-
naavoq.

§ 2 a. Aningaasaqarnermik suliffeqarfiit aalajangersimasut napparteqqinniarnarat atorunnaarsinnerallu
pillugit inatsit, kunngip peqqussutaatigut Kalaallit Nunaannut atuutsinneqalersoq, imaluunniit maleruagassat
taanna malillugu atuutsinneqalersut malillugit atorunnaarsitsinermut sakkussaq ataaseq amerlanerusulluun-
niit atornissaannik Aningaasaqarnikkut Patajaassuseq aningaaseriviup imaluunniit aningaasanik atorniartar-
fiup tungaanut atuisalluni aalajangerpat, Qularnaveeqqusiinermut Aningaasaatit imm. 2 aamma 3 naaper-
torlugit aningaaseriviup imaluunniit aningaasanik atorniartarfiup atorunnaarsinneranut akiliuteqassapput.

Imm. 2. Aningaasaqarnermik suliffeqarfiit aalajangersimasut napparteqqinniarnarat atorunnaarsinnerallu
pillugit inatsimmi, kunngip peqqussutaatigut Kalaallit Nunaannut atuutsinneqalersumi akiitsut nammineq
nammattussanngornerat atornerqarpat, tak. § 24, aningaasat aningaasaqarnermik suliffeqarfiit aalajangersi-
masut napparteqqinniarnarat atorunnaarsinnerallu pillugit inatsimmi, kunngip peqqussutaatigut Kalaallit Nu-
naannut atuutsinneqalersumi § 24 malillugu aningaasat aningaasaliisut aningaasaliissutaasa imaluunniit anin-
gaasaliissuteqartartut aningaasaliissuteqarnermikkut matussusigaasa nalikillilernerqaataasa nalingi Qularna-
veeqqusiinermut Aningaasaatit akilissavaat, aningaasaliissutit matussuserneqartut imaluunniit aningaasaliis-
suteqartut aningaasallinermikkut matussusigai akiitsut namminneq nammattussanngornerannut ilaasimap-
pata.

imm. 3. Atorunnaarsitsinermut sakkoq ataaseq arlallilluunniit imm. 2-mut ilaanngitsut atornerqarpat, tak.
aningaasaqarnikkut suliffeqarfiit aalajangersimasut napparteqqinniarnarat atorunnaarsinnerallu pillugit inat-
simmi, kunngip peqqussutaatigut Kalaallit Nunaannut atuutsinneqalersumi §§ 19, 21 aamma 23, aningaasat
akiliisinnaajunnaarnermik suliarinnittoqaraluarpat aningaasaliisut aningaasaliissuteqartullu matussusigaasut
annaasassaralui tikillugit Qularnaveeqqusiinermut aningaasaatit akilissavaat.

Imm. 4. Aningaasaqarnikkut Patajaassutsip Qularnaveeqqusiinermut Aningaasaatit soqutigisai mia-
neralugit aningaasat Qularnaveeqqusiinermut Aningaasaatit aningaaserivimmik imaluunniit aningaasanik
atorniartarimmik atorunnaarsitsinermut akiligassai aalajangersassavai, tak. imm. 1. Aalajangersaaneq anin-
gaasaqarnermik suliffeqarfiit aalajangersimasut napparteqqinniarnarat aamma atorunnaarsinnerat pillugu
inatsimmi, kunngip peqqussutaatigut Kalaallit Nunaannut atuutsinneqalersumi §§ 6 imaluunniit 7 naaper-
torlugit.

Imm. 5. Aningaaseriviup imaluunniit aningaasanik atorniartarfiup akiliisinnaajunnaartutut suliarineranut aningaasartuutaasussaagaluit sinnerlugit suliffeqarfiup atorunnaarsinneranut Qularnaveeqqusiinermut Aningaasaatit akiliisinnaanngillat, tak. imm. 1. Aningaaseriviup imaluunniit aningaasanik atorniartarfiup atorunnaarsinneranut § 7, imm. 2 imaluunniit § 7 a, imm. 1 malillugu anguniakkat annertussusaasa 100 procentii sinnerlugit Qularnaveeqqusiinermut Aningaasaatit akilersinnaanngisaannarpai.

Imm. 6. Naliliutinik nalilersuinermi, tak. aningaasaqarnikkut suliffiit napparteqqinniarnarat atorunnaarsinnerallu pillugit inatsimmi, kunngip peqqussutaatigut Kalaallit Nunaannut atuutsinneqalersumi, tak. § 8, aalajangerneqarpat, aningaaseriviup imaluunniit aningaasanik atorniartarfiup atorunnaarsinneranut Qularnaveeqqusiinermut Aningaasaatit akilersimasai, tak. imm. 2 aamma 3, annaasanit Qularnaveeqqusiinermut Aningaasaatit akiliisinnaajunnaarnermik suliarinnittoqaraluarpat akilersimasussaagaluannit amerlanerusut, tak. imm. 5, oqaaseqatigiit siulliit, Qularnaveeqqusiinermut Aningaasaatit Atorunnaarsitsinermut Aningaasaatinit akilerneqarnissamut pisinnaatitaaffeqarpoq.

Imm. 7. Aningaaseriviup atorunnaarsinneranut aningaaserivinnut immikkoortoqarfik aqutigalugu aamma aningaasanik atorniartarfiup atorunnaarsinneranut aningaasanik atorniartarfinnut immikkoortoqarfik aqutigalugu Qularnaveeqqusiinermut Aningaasaatit akilissavaat, tak. imm. 1. Qularnaveeqqusiinermut Aningaasaatit akiliutai aningaasanngorlugit akilerneqassapput.

Imm. 8. Akiitsut nammineq nammattussanngornerat atorneqartillugu, tak. aningaasaqarnermik suliffeqarfiit aalajangersimasut napparteqqinniarnarat atorunnaarsinnerallu pillugu inatsimmi, kunngip peqqussutaatigut Kalaallit Nunaannut atuutsinneqalersumi, tak. § 24, Aningaasaqarnikkut Patajaassuseq Qularnaveeqqusiinermut Aningaasaatit sinnerlugit aamma Qularnaveeqqusiinermut Aningaasaatit soqutigisai mianeralugit aalajangersinnaavoq aningaasartuutitut, aningaasaqarnermik suliffeqarfiit aalajangersimasut napparteqqinniarnarat atorunnaarsinnerallu pillugit inatsimmi, kunngip peqqussutaatigut Kalaallit Nunaannut atuutsinneqalersumi § 24, imm. 2 malillugu aningaasaliissuteqaqqinermut atasunut tapiissuteqarniarnani.

Imm. 9. Aningaasaliisup aningaasaliissutai imaluunniit aningaasalersuisup aningaalersuutai aningaasaqarnermik suliffeqarfiit aalajangersimasut napparteqqinniarnarat atorunnaarsinnerallu pillugit inatsimmi, kunngip peqqussutaatigut Kalaallit Nunaannut atuutsinneqalersumi §§ 19 imaluunniit 21-ip kinguneranik suliffeqarfimmut allamut tamakkiisumik ilaannakortumilluunniit nuunneqarpata, aningaasaliissutit ilaasa taakku aningaasallu taakku nuunneqanngitsut pillugit aningaasaliisoq imaluunniit aningaasalersuisoq Qularnaveeqqusiinermut Aningaasaatinut piumasaqarsinnaanngilaq, aningaasaliissutit nuunneqartut imaluunniit aningaasat nuunneqartut aningaasat Qularnaveeqqusiinermut Aningaasaatit akiligassarisaasa amerlaqatigippatigit, imaluunniit taakkunanga amerlanerullutik, tak. §§ 9 aamma 10.

Imm. 10. Aningaasaqarnermik suliffeqarfiit aalajangersimasut napparteqqinniarnarat atorunnaarsinnerallu pillugit inatsit, kunngip peqqussutaatigut Kalaallit Nunaannut atuutilersinneqartoq malillugu aningaaserivimik imaluunniit aningaasanik atorniartarfimmik nappartitseqqiniaanermi atorunnaarsitsinermiluunniit Qularnaveeqqusiissanut Aningaasaatit atorneqarnissaat pillugu maleruagassanik erseqqinnerusunik Inuussutissarsiornermut ineriartortitsinermullu ministeri aalajangersaasinnaavoq.«

6. § 3, imm. 1, nr. 4, imatut oqaasertalerneqassaaq:

»4) Aningaasanik atorniartarfiit, aningaasaliissuteqarnermik piginneqatigiiffiit aamma aningaasaliissuteqarnermik ingerlatsivittut piginneqatigiiffiit immikkoortoqarfii Kalaallit Nunaanni inissisimasut, kiisalu al-latut aningaasaliissuteqarnermik aningaasaateqarfiit Kalaallit Nunaata imaluunniit EU-p avataani angerlarsimaffeqartut, taamaallaallu nunat EU-p aningaasaqarnikkut isumaqatigiissuteqarfigisimasaani, aamma

aningaasaqarnermik suliaqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumi § 30, imm. 1 malillugu, Kalaallit Nunaannut isumaqatigiissuteqarsimasut, nunami immikkoortoqarfiup angerlarsimaffiani aningaasaliisunut aningasalersuisunullu matussusiineq inatsit manna malillugu aningaasaliisunut aningasalersuisunullu matussusiinerup assignngippagu.«

7. § 3, imm. 2-mi »Aningaasaqarnermik Nakkutilliisut« allanngortinneqassaaq: »Inuussutissarsiornermut ineriartortitsinermullu ministeri«-nngorlugu, »amma aningaasalersuinerumut piginneqatigiiffiit« allanngortinneqassaaq: », aningaasalersuinerumut piginneqatigiiffiit, aningaasalersuinerumut ingerlatsinermut piginneqatigiiffiit kiisalu allatut aningaasalersuinerumut aningaasaateqarfiit«-nngorlugu, aamma »Aningaasaateqarfik« allanngortinneqassaaq: »Qularnaveeqqusiinerumut Aningaasaatit«-nngorlugu.

8. § 4, oqaaseqatigiinni siullerni, »Aningaasaateqarfik« allanngortinneqassaaq: »Qularnaveeqqusiinerumut Aningaasaatit«-nngorlugu, aamma *oqaaseqatigiit aappaanni* »Aningaasaqarnermik Nakkutilliisut« allanngortinneqassaaq: »Inuussutissarsiornermut ineriartortitsinermullu ministeri«-nngorlugu.

9. Kapitali 3-p qulequtaa imatut oqaasertalerneqassaaq:

»Kapitali 3

Qularnaveeqqusiinerumut Aningaasaatit immikkoortoqarfii«.

10. § 5, imm. 1-imi »Aningaasaateqarfik« allanngortinneqassaaq: »Qularnaveeqqusiinerumut Aningaasaatit«-nngorlugu.

11. § 5, imm. 5 imatut oqaasertalerneqassaaq:

»Imm. 5. Nappartitseqqinniaanermut immikkoortortaqarfimmi suliaasaapput suliffeqarfinnik ajornartorsiuersimasunik § 3, imm. 1, nr. 1-imi taaneqartunik nappartitseqqinniaaneq atorunnaarsitsinerlu.«

12. § 5, imm. 6-imi »Aningaasaateqarfiup siulersuisui« allanngortinneqassaaq: »Aningaasaqarnikkut Patajaassuseq«-inngorlugu.

13. § 5, imm. 7 aamma *8*, atorunnaarsinneqarput.

14. § 6, imm. 5-imi »Aningaasaateqarfik« allanngortinneqassaaq: »Qularnaveeqqusiinerumut Aningaasaatit«-nngorlugu.

15. § 7 a-p kingorna ilanngunneqassaaq: § 7a-p kingorna ilanngunneqassaaq:

»**§ 7 b.** Aningaaserivinnut immikkoortoqarfimmi aningaasatigut atugassat tigorianaanaat immikkoortoqarfiup pisussaaffigisinnaasaanut qaqugukkulluunniit atsikkutigiissuunissaasa qulakkeernissaat Aningaasaqarnikkut Patajaassutsip akisussaaffigaa. Immikkoortoqarfiup oqaaseqatigiit siullit eqqortinngippagit, Aningaasaqarnikkut Patajaassutsip tamanna inuussutissarsiornermut ineriartortitsinermullu ministerimut sukanerpaamik nalunaarutigissavaa.

Imm. 2. Aningaasaqarnikkut Patajaassuseq Qularnaarinerumut Aningaasaatit sinnerlugit naliliutinut annikitsumik aarlerinaatilinnut aningaasaliissaaq.«

16. § 7 aamma *§ 7 a* imatut oqaasertalerneqassaaq:

»§ 7. Aningaaserivinnut immikkoortoqarfik suliffeqarfiit immikkoortoqarfiillu taakkununga atasut § 3, imm. 1, nr. 1-imi taaneqartut tapiissutaannit aningaasalersorneqassaaq, tak. § 5, imm. 6. Allanit pis-sarsiffiusinnaasunit annerusumik aningaasalersugaanissamut aporfissaqanngilaq.

Imm. 2. Aningaaserivinnut immikkoortoqarfiup anguniagaanut qaffasissusiliussaavoq aningaasaliissutit matussuserneqartut § 9, imm. 1-imut ilaasut 0,8 procentii. Aningaaserivinnut immikkoortoqarfimmi aningaasaatit anguniakkanut qaffasissusiliussat aalajangersagaasut qaangerneqarpata, imm. 1 malillugu tapiis-suteqarnissaq unissaaq. Tapiissuteqarnissamulli pisussaaffik atuutileqqissaaq, aningaasaatit anguniakkanut qaffasissusiliussanik aalajangersagaasunik qaangiunnaarpata.

Imm. 3. Suliffeqarfinit § 3, imm. 1 nr. 1-imi taaneqartunit aamma immikkoortoqarfinit taakkununga atasunit § 3, imm. 1, nr. 5-imi taaneqartunit tapiissutit, suliffeqarfiup tapiissutaasa matussuserneqartut § 9, imm. 1-imut ilaasut kiisalu suliffeqarfiup aarlerinaatinut ilisarnaataa tunuliaqutaralugit aalajangersarneqas-sapput. Aningaasaqarnikkut Patajaassuseq Qularnaveeqqusiinernut Aningaasaatit sinnerlugut aalajan-gersinnaavoq aningaaserivinnut immikkoortoqarfiup aningaasaataasa 30 procentii tikillugit akiliuteqarnis-samut pisussaaffiussasut.

Imm. 4. Aningaaserivik qaammatisiutit ukiuanni pineqartumi matussusikkanik aningaasaliissuteqarunnaar-pat, aningaaseriviup ukiumoortumik tapiissutaasa akilerneqarsimasut ilai atsikkutigiiissumik naatsorsukkat utimut akilerneqassapput. Atsikkutigiiissumik utimut akiligassat qaammatinu pingasukkaartuni aningaaseriviup anineraniit qaammatisiutit ukiuata naanerata tungaanut naatsorsorneqassapput. Imm. 1 malillugu utimut akiliisoqarsinnaanngilaq suliffeqarfimmit matussusikkanik aningaasaliissuteqarunnaartumit aningaasaliissutit matussusikkat suliffeqarfimmut allamut, Qularnaveeqqusiinernut Aningaasaatinut ilaasumut nuunneqarpata, imaluunniit aningaaserivik ilaasortaajunnaartoq ilaasortaajunnaarnini sioqqullugu qaammatit aqqaneq marluk kingullit ingerlanerini ajornartorsiuteqalersimanagerata kingunerisaanik aningaaserivinnut immikkoortoqarfik akiliuteqarsimappat imaluunniit nuussisimalluni. Tapiissutinik oqaaseqatigiinni siullerni taaneqartut saniatigut utimut akiliisoqarsinnaanngilaq.

Imm. 5. Aningaaserivik aningaaserivinnut immikkoortoqarfimmit tamakkiisumik ilaannakortumilluunniit ilaasortaajunnaarpat, taarsiullugulu suliffeqarfiup aningaasaliissutinut qulakkeerinninnermut aqqissuusineq alla EU-p iluani imalunniit nunani EU-p aningaasaqarnikkut isumaqatigiissuteqarfigisaani aamma Kalaallit Nunaannut isumaqatigiissuteqarsimasumi peqataaffigilerlugu, suliffeqarfiup pineqartup tapiissutai an-ingaasaliissutinut qulakkeerinninnermut aqqissuusinnermut peqataaffigiligaanut nuunneqassapput. Nuussinnermut taamaallaat ilaapput tapiissutit ilaasortaajunnaarneq sioqqullugu qaammatit kingullit aqqaneq marluk iluini akilerneqarsimasut, tapiissutillu imm. 6 naapertorlugu akilerneqarsimasut imaluunniit immik-koortoqarfinit § 4-mut ilaasunit tapiissutit ilaanngillat. Aningaaserivik nunami EU-miittumi imaluunniit nunani EU-p aningaa-saqarnikkut isumaqatigiissuteqarfigisaani aamma Kalaallit Nunaannut isumaqatigiis-suteqarsimasumi aningaa-saliissutinut qulakkeerinninnermut aqqissuusinnermut akuerisaasumut ilaalernis-samik eqqarsarpat, tamanna kingusinnerpaamik qaammatinik arfinilinnik sioqqutsisumik Aningaasaqarnikkut Patajaassutsimut ilisimatitsissutigineqassaaq.

Imm. 6. Aningaaserivinnut immikkoortoqarfiup aningaasaatai § 16 malillugu akiliinissamut nuussinis-samulluunniit naammangippata, Aningaasaqarnikkut Patajaassuseq Qularnaveeqqusiinermut Aningaasaatit sinnerlugit tapiissutinik immikkut ittunik akiligassiinnaavoq. Aningaaseriviup qaammatisiutit ukiuanni ataatsimi immikkut ittunik tapiissutai suliffeqarfiup aningaasaliissutaasa matussusikkat § 9, imm. 1-imut ilaa-sut annerpaamik 0,5 procenterisinnaavai. Aningaasaqarnikkut Patajaassuseq pissutsit immikkut itsillugit Qularnaveeqqusiinermut Aningaasaatit sinnerlugit aamma Finanstilsynetip akuersineratigut immikkut ittunik tapiissutinik oqaaseqatigiit aappaanni taaneqartunit annerusunik akiligassiinnaavoq. Tapiissutit

suliffeqarfiup aningaasanik tigoriaannaateqarnera akiliisinnaassusialuunniit aarlerinarsisinnaappassuk, Finan-
stilsyneti aalajangersinnaavoq suliffeqarfiup tapiissutinik oqaaseqatigiinnut siullernut ilaasunik akiliinissaa
tamakkiisumik ilaannakortumilluunniit kinguartinneqassasoq.

Imm. 7. Aningaaserivinnut immikkoortoqarfiup aningaasaatai §§ 2, 2 a imaluunniit 16 naapertorlugit
atorneqarpata, tamatumalu kinguneranik anguniakkanut qaffasissusiliussat aalajangersagaasut pingajo-
rarterutai marluk inulerlugit ikilillutik, tak. imm. 2, aningaaseriviit ukiumoortumik tapiissutai aalajangersar-
neqassapput, taamaasilluni anguniakkanut qaffasissusiliussat ukiut arfinillit iluini anguneqarsinnaasunngorlu-
git.

Imm. 8. Aningaasaqarnikkut Patajaassuseq Qularnaveeqqusiinermut Aningaasaatit sinnerlugit suliffeqarfiit
aningaaserivinnut immikkoortoqarfimmut atasut qaqugukkulluunniit qinnuigisinnaavai aningaasaliissuteqartut
ataasiakkaat tamarmik aningaasaliissutai pissusissamisoorlut pillugit paasissutissanik pisariaqartunik nas-
siusseqqullugit.

Imm. 9. Tapiissutit, ilanngullugit tapiissutinik akileeqqusiinermut piffissaliussaq, kiisalu akiliinissamut pi-
sussaaffiit atorneqarnerat pillugit maleruagassanik erseqqinnerusunik inuusutissarsiornermut ineri-
ar-tortitsinermullu ministeri aalajangersaasinnaavoq.

§ 7 a. Aningaasanik atorniartarfimmut immikkoortoqarfik eqqarsaatigalugu Qularnaveeqqusiinermut An-
ingaasaatit aningaasaatai tassaassapput tapiissutit aningaasanngorlugit akilikkat uninngasuutillu, min-
nerpaamillu 10 mio. kr.-ussallutik. Tapiissutinut aningaasanngorlugit akilikkanut immikkoortoqarfiup angu-
niakkanut qaffasissusiliussaa aningaasanik atorniartarfiit aningaasanngorlugit aningaasaataasa matussusikkat
minnerpaamik 0,8 procenterissavaat, tak. § 10. Aningaasaqarnikkut Patajaassuseq Qularnaveeqqusiinermut
Aningaasaatit sinnerlugit aalajangersinnaavoq immikkoortoqarfiup tapiissutai aningaasanngorlugit akilikkat
30 procentii angullugit akiliinissamut pissusaaffiusinnaassasut. Aningaasanik atorniartarfiit aningaasanngorlu-
git tapiissutaat ataasiakkaat suliffeqarfiup atugassai matussusigaasut aarlerinaatinullu ilisarnaataa aallaaviga-
lugit naatsorsorneqassapput. Aningaasanik atorniartarfiit uninngasuutaat ataasiakkaat atugassat matus-
susigaasut pappialallu nalillit matussusigaasut aallaavigalugit naatsorsorneqassapput.

Imm. 2. Pappialanik nalilinnik niuernermik sullissisut piginneqatigiiffiinut immikkoortoqarfik eqqarsaatiga-
lugu, Qularnaveeqqusiinermut Aningaasaatit aningaasaatai tapiissutaassapput uninngasuutaallutillu, min-
nerpaamillu 10 mio. kr.-nik annertussuseqarlutik. Suliffeqarfiit § 3, imm. 1, nr. 3 aamma 4-mi taaneqartut
ataasiakkaatut tapiissutaat atugassat matussusigaasut pappialallu nalillit matussusigaasut aallaavigalugit
naatsorsorneqassapput.

Imm. 3. Qularnaveeqqusiinermut Aningaasaatit Nappartitseqqinniaanermut immikkoortoqarfimmut atu-
gassai 3,2 mia. kr.-ussapput uninngasuutaallutik, suliffeqarfimmit § 3, imm. 1, nr. 1-imi taaneqartuneersuul-
lutik, atorunnaarsitsinermut atugassaallutik.

Imm. 4. Nappartitseqqinniaanermut atugassatut, ilanngullugit suliffeqarfiit kattunnerinut atatillugu qi-
tiusumik qarasaasiaqarfimmit aninerit, aningaaseriviup aappaa ajornartorsiortuutillugu, aningaasartuutit
matussusernissaannut, nappartitseqqinniaanermut immikkoortoqarfik eqqarsaatigalugu Qularnaveeqqusiiner-
mut Aningaasaatit atugassai 1 mia. kr.-ussapput, tassaasut suliffeqarfiit § 3, imm. 1, nr. 1-imi taaneqartut
uninngasuutaat aningaasanngorlugillu akiliutaat.

Imm. 5. Aningaaseriviit nappartitseqqinniaanermut immikkoortoqarfimmut katillugit tapiissutaat ukiup
naatsorsuiffiusup iluani suliffeqarfiup aningaasat toqqortaatigisaasa annerpaamik 2 promillerisinnaavaat.

Imm. 6. Tapiissutit aningaasanngorlugit tigusat uninngasuutillu, ilanngullugit tapiissutinik akileeqqusinis- samut piffissaliussaq kiisalu akiliinissamut pisussaaffiit atorneqarnerat pillugit maleruagassanik erseqqinne- rusunik inuussutissarsiornermut ineriartortitsinermullu ministeri aalajangersaasinnaavoq.«

17. § 8, imm. 1 imatut oqaasertalerneqassaaq:

»Aningaaserivik aningaaseriviup Qularnaveeqqusiinermut Aningaasaatinut ilaasortatut pisussaaffini eqqortinngippagit, Aningaasaqarnikkut Patajaassutsip Qularnaveeqqusiinermut Aningaasaatit sinnerlugit Fi- nanstilsynetimut nalunaarutigissavai. Immikkoortoqarfik Qularnaveeqqusiinermut Aningaasaatinut ilaasort- aappat, tak. § 4, Aningaasaqarnermut Nakkutilliisut oqartussat immikkoortoqarfiup nunami angerlarsi- maffigisaani piginnaatitaasut ilisimatissaavaat.«

18. § 8, imm. 2-mi »inatsimmi maleruagassat, maleruagassat inatsit malillugu atuutilersitaasut imaluunniit Aningaasaateqarfiup malittarisassaani aalajangersakkat« allanngortinneqassaaq: »inatsimmi maleruagassat imaluunniit maleruagassat inatsit malillugu atuutilersitaasut«-nngorlugu.

19. Kapitali 5-imut qulequtaq imatut oqaasertalerneqassaaq:

»Kapitali 5

Qularnaveeqqusiinermut Aningaasaatit atorneqarfiat«.

20. § 9 imatut oqaasertalerneqassaaq:

»§ 9. Suliffeqarfiit § 3, imm. 1, nr. 1-imi taaneqartut, aamma aningaasanik atorniartarfiit immik- koortoqarfii § 3, imm. 1, nr. 5-imi taaneqartut, aningaaserivinnut immikkoortoqarfimmut ilaasut, Qular- naveeqqusiiner-mut Aningaasaatinut aningaasaliissutit atermik allaffigineqarsimasut aningaasaliisumut ataatsimut 100.000 euro nalingi tikillugit annertussusillit matussusissavaat.

Imm. 2. Suliffeqarfiit § 3, imm. 1, nr. 1-imi taaneqartut aamma aningaasanik atorniartarfiit immikkoorto- qarfiit § 3, imm. 1, nr. 5, aamma § 4-imi taaneqartut, aningaaserivinnut immikkoortoqarfimmut ilaasut, an- ingaasaliissutit imm. 3-6-imi taaneqartut Qularnaveeqqusiinermut Aningaasaateqarfiup matussusissavai.

Imm. 3. Aningaasaliissutit inatsisit malillugit isumaginninnermut siunertallit, inuunermilu immikkut ittumik nalliussisanut attuumassuteqartut, aningaasaliisumut ataatsimut 150.000 euro nalingi tikillugit Qularnaveeq- qusiinermut Aningaasaatit matussusissavai. Aningaasaliissutit aningaasat ikineqarneranniit qaammatit arfinil- lit tikillugit matussuserneqassapput.

Imm. 4. Pinerlunnermit ajoquserneqarneq pillugu inatsit malillugu taarsiiffigitinnerup imaluunniit ajun- ngitsorsiorsinerup imaluunniit kukkusumik eqqartuussaasimanerup kinguneranik aningaasaliissutit an- ingaasaliisu-mut ataatsimut 150.000 euro nalingi tikillugit nalillit Qularnaveeqqusiinermut Aningaasaatit matussusissavaat. Aningaasat ikineqarneranniit qaammatit arfinillit tikillugit aningaasaliissutit matus- suserneqassapput.

Imm. 5. Pigisat aalaakkaasut pillugit aningaasanik nuussisoqartarnerata kinguneranik aningaasaliissutit Qularnaveeqqusiinermut Aningaasaatit matussusissavaat aningaasat 10 mio. euro nalingi tikillugit. An- ingaasat ikineqarneranniit aningaasaliissutit qaammatit aqqaneq-marluk tikillugit matussuserneqassapput. Pigisap aalaakkaasup annerusumik inuussutissarsiornermut tunngasuunngitsumut atorneqarsimanissaa ima- luunniit annerusumik inuussutissarsiornermut tunngasuunngitsunut aalajangigaanera piumasaqaataavoq.

Imm. 6. Inatsisit malillugit soraarnerussutisianut sipaakkanut kontot Qularnaveeqqusiinermut Aningaasaatit tamakkiisumik matussusissavai.

Imm. 7. Aningaaliissutit tunisassiallu suut Qularnaveeqqusiinermut Aningaasaatinit imm. 1, aamma 3-6 malillugit matussuserneqarnissaat pillugu maleruagassanik erseqqinnerusunik inuussutissarsionermut ineriartortitsinermullu ministeri aalajangersaassaaq.«

21. § 10-imi aamma § 11, imm. 1, oqaaseqatigiinni siullerni marloriarluni »Aningaasaateqarfik« allanngortinneqassaaq: »Qularnaveeqqusiinermut Aningaasaatit«.

22. § 12 imatut oqaasertalerneqassaaq:

»§ 12. Aningaasaliisunit aningaasalersuisunillu matussusiinissamik piunasaqaatit, tak. § 9, imm. 1, aamma §§ 10 aamma 11, suliffeqarfimmut pineqartumut pisussaaffiit akiligassaareersut ilanngaatigereernerisigut naatsorsorneqassapput.«

23. § 13 imatut oqaasertalerneqassaaq:

»§ 13. Aningaasaliissutit, atugassat aningaasanngorteriikkat kiisalu pappialat nalillit tulliuuttunit pigineqartut Qularnaveeqqusiinermut Aningaasaatit matussusissanngilai

- 1) suliffeqarfiit § 3, imm. 1-imi taaneqartut,
- 2) aningaasaliisarnermik suliffeqarfiit,
- 3) sillimmasiisarfiit,
- 4) suliffeqarfiit ataatsimoorussamik aningaasaliissuteqartartut,
- 5) soraarnerussutisianut aningaaseriviit aamma soraarnerussutisianut aningaasaateqarfiit,
- 6) pisortat oqartussaasui aamma
- 7) aningaasaqarnikkut suliffeqarfiit nunanit allaneersut, suliffeqarfiit pisortallu oqartussaasui nr. 1-6-imi suliffeqarfiit oqartussallu taaneqartut assigisaat.

Imm. 2. Qularnaveeqqusiinermut Aningaasaatit tulliuuttut matussuserneq ajorpai

- 1) suliffeqarfiup imaluunniit suliffeqarfiup nunani allaneersup aningaasaatinut tunngavigisai allatigullu aningaasaatit illikartinneqarsimasut,
- 2) aningaasaliissutit, atugassat aningaasanngoriikkat aamma pappialat nalillit, aningaasanik pinerlunnikkut pissarsiarineqartunik aningaaserivimmut ikisinermut atatillugu eqqartuussinermut attuumassuteqartunik nuussinernit pinngorfeqartut, aamma
- 3) aningaasaliissutit atugassallu aningaasanngoriikkat, piginnittoq inuttarsineqarsimanngisaannartoq.«

24. § 15 imatut oqaasertalerneqassaaq:

»§ 15. Qularnaveeqqusiinermut aaqqissuussinerup suliffeqarfiup peqataaffigisaata matussusiinermut anertussusaa pillugu aningaasaliisut aningaasalersuisullu ilisimatinneqassapput. Tamatumuunga aamma ilaapput immikkoortoqarfiit § 3, imm. 1, nr. 5, aamma § 4-imi taaneqartut nunami angerlarsimaffigisaminni aningaasaliissutitut qularnaveeqqusiinermut aaqqissuussineq ilaaffigisaat pillugu paasissutissat.

Imm. 2. Aningaasaqarnermik suliaqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumi § 206-imi taaneqartutut ilimatitsissutip tigungeraniit aningaasaliisut aningaasalersuisullu aningaasaliissutimik imaluunniit atugassamik aningaasanngortitat ilaat, aningaasaqarnermik suliaqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi § 204-mut ilaasumik

kattunneqarnermik kingorna §§ 9 imaluunniit 10 malillugu matususerneqarunnaartut aningaasartuutitaqanngitsumik tigussallugit nuussallugilluunniit qaammatinik pingasunik piffissaqarput.

Imm. 3. Paasissutissat imm. 1-imi taaneqartut aamma ilisimatitsissutit imm. 2-mi taaneqartut kiisalu aningaasaliissutinik atugassanillu aningaasanngortitanik imm. 2 malillugu nuussinermut il.il. piumasaqaatit erseq-qinnerusumik taaneqartut pillugit maleruagassanik erseqqinnerusunik inuussutissarsionnermut ineriartortitsinermullu ministeri aalajangersaasinnaavoq.«

25. § 15 a imatut oqaasertalerneqassaaq:

»§ 15 a. Aningaasaqarnikkut Patajaassutsip Qularnaveeqqusiinermut Aningaasaatit sinnerlugit aalajangi-neri, tamaginnillu soqutigineqartut Aningaasaqarnikkut Patajaassutsip Qularnaveeqqusiussanut Aningaasaatit tamanut saqqummiuttassavai. Tamanut saqqummiussineq Qularnaveeqqusiussanut Aningaasaatit qarasaari-akkut nittartagaat aqputigalugu pissaaq.«

26. Kapitel 6-imut qulequttami »Aningaasaateqarfik« allanngortinneqassaaq: »Qularnaveeqqusiussanut Aningaasaatit«-nngorlugu.

27. § 16, imm. 1-4, imatut oqaasertalerneqassapput:

»Aningaasaqarnikkut Patajaassuseq Qularnaveeqqusiinermut Aningaasaatit sinnerlugit nappartitseqqinni-aanerup imaluunniit akiliisinnaajunnaarnerup atuutilernerata kingorna sukkanerpaamik kingusinnerpaamillu ullut suliffiusut arfineq-marluk qaangiunneranni aningaasaliissutinik aamma atugassanik aningaasanngorti-tanik suliffeqarfiit allat kontoinut akiliisinnaassaaq nuussisinnaassallunilu, taamaattoq tak. imm. 2-4. Pi-umasaqaatip pissusissamisoortumik misileqqissimanissaa piumasaqaataavoq.

Imm. 2. Aningaasaliissutit imaluunniit atugassat aningaasanngorteriikkat eqqarsaatigalugit, kina aningaasaliisimanersoq imaluunniit atugassat aningaasanngorteriikkat kimit pigineqarnerat nalornineqartillugu, Aningaasaqarnikkut Patajaassutsip Qularnaveeqqusiinermut Aningaasaatit sinnerlugit nappartitseqqiniaane-rup kingorna imaluunniit akiliisinnaajunnaarnerup atuutilernerata kingorna akiliinissamut nuussinissamulluun-niit piffissaliusaa qaammatit pingasut tikillugit sivitsorsinnaavaa.

Imm. 3. Aningaasaqarnikkut Patajaassutsip Qularnaveeqqusiinermut Aningaasaatit sinnerlugit imm. 1 ma-lillugu akiliinerit imaluunniit nuussinert kinguartissinnaavai, inuk pineqartoq akiliutinik imaluunniit nuussinermik tigusinissamut pisinnaatitaanersoq ersarinngippat, imaluunniit aningaasaliissutit imaluunniit atugassat aningaasanngorteriikkat eqqartuussivitsigut akerleriissutaappata. Aningaasaqarnikkut Patajaas-sutsip aamma Qularnaveeqqusiinermut Aningaasaatit sinnerlugu akiliineq nuussinerluunniit kinguartissin-naavaa, aningaasaliissutit imaluunniit atugassat aningaasanngorteriikkat pillugit nunani naalakkersuisut ima-luunniit nunat tamat akornanni suleqatigiiffiit killiliisumik suliniuteqarpata, imaluunniit aningaasat nunami najugaqarfiusumi aningaasaliissutinut qularnaaveeqqusiinermut aqqissuussinermut tunniunneqartussaap-pata. Tamatuma saniatigut Aningaasaqarnikkut Patajaassutsip Qularnaveeqqusiinermut Aningaasaatit sinner-lugit akiliineq nuussinerluunniit kinguartissinnaavaa, aningaasaliissuteqartoq imaluunniit inuk aningaasanut uninngatitanut pisinnaatitaasoq soqutigisaqartorluunniit, aningaasanik pinerlunnikkut pissarsianik an-ingaaserivimmut ikisinerup kingunerisaanik imaluunniit tamatumunnga atatillugu inatsisinik unioqputitsisi-masutut unnerluutigineqarpat, imaluunniit aningaasaliissutit § 9, imm. 3 aamma 4-mut ilaatinneqarpata.

Imm. 4. Aningaasaqarnikkut Patajaassuseq Qularnaveeqqusiinermut Aningaasaatit sinnerlugit akiliissan-gilaq nuussissananiluunniit, aningaasaliissutinut imaluunniit atugassanut aningaasanngortitanut atatillugu

ukiuni kingullerni 2-ni nuussisoqartarsimangippat, aamma aningaasaliissutit imaluunniit atugassat aningaasangorterikkat nalingi allaffissornikkut aningaasartuutinit, akiliinermut nuussinermulluunniit atasunit annikinneruppata. Tamanna inatsisit malillugit soraarnerussutisianut katersuinernut kontonut atuutingilaq, tak. § 9, imm. 6.«

28. § 16, imm. 5-imi »Aningaasaateqarfik« allanngortinneqassaaq: »Qularnaveeqqusiinermut Aningaasaatit«-nngorlugu, aamma »piffissaliussaq imm. 1 aamma 3-mi taaneqartoq« allanngortinneqassaaq: »piffissaliussat imm. 1 aamma 2-mi taaneqartut aamma kinguartitsinerit imm. 3-mi taaneqartut«-nngorlugu.

29. § 16, imm. 6-imi »Finanstilsynet« allanngortinneqassaaq: »Inuussutissarsiornermut ineriartortitsinermullu ministeri«-nngorlugu, »Aningaasaateqarfiup« allanngortinneqassaaq: »Qularnaveeqqusiinermut Aningaasaatit«-nngorlugu, aamma »Aningaasaateqarfik« allanngortinneqassaaq: »Qularnaveeqqusiinermut Aningaasaatit«-nngorlugu.

30. § 16-ip kingorna ilanngunneqassaaq:

»§ 16 a. Aningaaserivinnut immikkoortoqarfiup suliffeqarfinni § 3, imm. 1, nr. 1-mi taaneqartunit immikkoortotaqarfinnut pilersinneqartunut aningaasaliisut matussusissavai, taamaattoq tak. § 3, imm. 2.

Imm. 2. Aningaaserivinnut immikkoortoqarfiup nunami angerlarsimaffigisami aningaasaliissutinut qularnaveeqqusiinermut aaqqissuussinerit aqputigalugit immikkoortotaqarfinnut, aningaasanik atorniartarfinit EU-miittunit imaluunniit nunani EU-p aningaasaqarnikkut isumaqatigiissuteqarfigisaaniittunit taamaasillutillu Kalaallit Nunaannut isumaqatigiissuteqarsimasuniittunit pilersinneqarsimasut, Kalaallit Nunaanni inissisimasunut aningaasaliisut matussusissavai.

Imm. 3. Qularnaveeqqusiinermut Aningaasaatit aamma EU-p iluani, imaluunniit nunani EU-p aningaasaqarnikkut isumaqatigiissuteqarfigisimasaani aningaasaliissutinut qularnaveeqqusiinermut aaqqissuussinerit akornanni suleqatigiinneq pillugu inuussutissarsiornermut ineriartortitsinermullu ministeri male-ruagassanik aalajangersaasinnaavoq.«

31. § 17-imi »Aningaasaateqarfik« allanngortinneqassaaq: »Qularnaveeqqusiinermut Aningaasaatit«-nngorlugu, aamma »aningaasaqarnikkut patajaassuseq pillugu inatsimmi kapitali 4 b« allanngortinneqassaaq: »aningaasaqarnikkut suliffeqarfiit aalajangersimasut napparteqqinniarnarat atorunnaarsinnerallu pillugit inatsit, kungip peqqussutaatigut Kalaallit Nunaannut atuutsinneqalersoq«-nngorlugu.

32. *Kapitali 7-ip* qulequtaa imatut oqaasertalerneqassaaq:

»Kapitali 7

Qularnaveeqqusiinermut Aningaasaatit allaffissornikkut ingerlannerat«.

33. §§ 18 aamma 19 atorunnaarsinneqarput.

34. § 20 imatut oqaasertalerneqassaaq:

»§ 20. Aningaasaqarnikkut Patajaassutsip Qularnaveeqqusiinermut Aningaasaatit sinnerlugit qaammatisiutit ukiuata naaneraniit qaammatit sisamat qaangiutsinnagit Qularnaveeqqusiinermut Aningaasaatit ingerlatai pillugit nalunaarussiaq tamanut saqqummiutissavaa.

Imm. 2. Aningaasaqarnikkut Patajaassutsimi siulersuisut maluginiassavaat, Aningaasaqarnikkut Patajaassuseq Qularnaveeqqusiinermut Aningaasaatit periusiisa suleriaasiisalu ajoquseruminassusiannik misileraasarnissaa. Ajoquseruminassutsimik misileraanerit taakku minnerpaamik ukiut pingasukkaarlugit akulikinnerusumilluunniit ingerlanneqartariaqarput, tamanna Aningaasaqarnikkut Patajaassutsip siulersuisuisa imaluunniit inuussutissarsiornermut ineriartortitsinermullu ministerip pisariaqartutut isigippassuk.

Imm. 3. Ukiumi siuliani ingerlatat pillugit Qularnaveeqqusiinermut Aningaasaatit nalunaarusaannut maleruagassanik erseqqinnerusunik inuussutissarsiornermut ineriartortitsinermullu ministeri aalajangersaasinnaavoq, tak. imm. 1.«

35. § 21 imatut oqaasertalerneqassaaq:

»§ 21. Qularnaveeqqusiinermut Aningaasaatit inatsit manna malillugu allaffissorinikkut aqunneqarnerannut Aningaasaqarnikkut Patajaassutsip aningaasartuutai akiliutit suliffeqarfinit § 3, imm. 1, aamma § 4-mi taaneqartunit akiliutit aqutigalugit Qularnaveeqqusiinermut Aningaasaatit akilissavaat. Akiliutit ukiumoortumik Aningaasaqarnikkut Patajaassutsimit akiligassanngortinneqartassapput, allaffissornermut aningaasartuutit Qularnaveeqqusiinermut Aningaasaatit ilaannit anguniakkanut qaffasissusiliussamit qaangiisunit, aningaaserivinnut immikkoortoqarfimmut tak. tak. § 7, imm. 2, aamma aningaasanik atorniartarfimmut immikkoortoqarfimmut, tak. § 7, a, imm. 1, aamma pappialanik nalilinnik niuerfinni sullissisunut immikkoortoqarfimmut aamma nappartitseqqinniaanermut immikkoortoqarfimmut aningaasaatit minnerpaaffissaannik qaangiisunit, tak. § 7 a, imm. 2-4.

Imm. 2. Akiliutit annertussusiat akileqquneqartarnerallu pillugit maleruagassanik erseqqinnerusunik inuussutissarsiornermut ineriartortitsinermullu ministeri aalajangersaasinnaavoq.«

36. § 21 a, imm. 2, oqaaseqatigiinni siullerni, »Aningaasaqarnermut Nakkutilliisut« allanngortinneqassaaq: »Aningaasaqarnikkut Patajaassuseq«-inngorlugu.

37. § 21 a-mi imm. 3 aamma 4-tut ilanngunneqassapput:

»*Imm. 3.* Nammineq piumassutsimik aaqqissuussineq, inatsimmi matumani piumasaqaatinik eqqortitsipat, pisortatigoortumik aningaasaliissutinut qularnaveeqqusiinermut aaqqissuussinertut inuussutissarsiornermut ineriartortitsinermullu ministerimit akuerineqarsinnaavoq.

Imm. 4. Nammineq piumassutsimik aaqqissuussinerup imm. 3-mut ilaasup, suliffeqarfiit aaqqissuussinermut ilaasut § 15, imm. 1-mi paasissutissiinermut pisussaaffiit pillugit maleruagassanik, aamma aningaasaliisunut aningaasalersuisunullu pillugit maleruagassanik § 15, imm. 3 malillugu aalajangersagaasunik tamatigut malinnittarnissaat qulakkiissavaa.«

38. § 21 b, oqaaseqatigiinni siullerni »Finanstilsynet« allanngortinneqassaaq: »Aningaasaqarnikkut Patajaassuseq«-inngorlugu.

39. § 22 imatut oqaasertalerneqassaaq:

»§ 22. Inatsimmi maleruagassat imaluunniit maleruagassat inatsit malillugu atuutilersitaasut malinneqarnerat qulakkeerniarlugu, paasissutissat pisariaqartinneqartut taamasa inuussutissarsiornermut ineriartortitsinermullu ministerip aamma Aningaasaqarnikkut Patajaassutsip suliffeqarfinit ilaasunit aamma aningaasaliisunit aningaasalersuisunillu tuniunneqarnissaat piumasarisinnaavaat.

Imm. 2. Aningaasaqarnermik suliffeqarfiit aalajangersimasut napparteqqinniarnarat atorunnaarsinnerallu pillugit inatsimmi § 66, imm. 3, kunngip peqqussutaatigut Kalaallit Nunaannut atuutsinneqalersumi, paasisutissanut, inatsit manna malillugu tiguneqartunut, Inuussutissarsiornermut Ineriartortitsinermullu Ministereqarfimmi sulisunut assigisaanik atuuppoq.«

40. *Kapitali 8 a* atorunnaarsinneqarpoq.

41. § 22 b, imm. 1-imi, »Aningaasaqarnermut Nakkutilliisut« allanngortinneqassaaq: »inuussutissarsiornermut ineriartortitsinermullu ministeri, Aningaasaqarnikkut Patajaassuseq aamma Finanstilsyneti«-nngorlugu.

42. § 22 c, imm. 1, oqaaseqatigiinni siullerni, aamma imm. 2-mi »Finanstilsyneti« allanngortinneqassaaq: »inuussutissarsiornermut ineriartortitsinermullu ministeri, Finantilsyneti aamma Aningaasaqarnikkut Patajaassuseq«-nngorlugu.

43. § 22 d, imm. 1, oqaaseqatigiinni siullerni, »Finanstilsyneti« allanngortinneqassaaq: »inuussutissarsiornermut ineriartortitsinermullu ministeri, Finantilsyneti imaluunniit Aningaasaqarnikkut Patajaassuseq«-nngorlugu.

44. § 23, imm. 1, imatut oqaasertalerneqassaaq:

»Inatsisit sinneri malillugit qaffasinnerusumik pineqaatissinneqarluni pisuutitaanngikkaanni, tulliuuttunik iliuuseqartoq akiliisitaanermik pineqaatissinneqassaaq

1) paasisutissanik eqqunngitsunik imaluunniit paatsiveerussaataasunik tunniussisoq imaluunniit nalunaaruteqarnermini, naatsorsuinermini imaluunniit piumasaqaatinik matussusikkanik akilerneqarnermini paasisutissanik eqqunngitsunik tunniussisoq, imaluunniit

2) inuussutissarsiornermut ineriartortitsinermullu ministerip imaluunniit Aningaasaqarnikkut Patajaassutsip § 22 malillugu paasisutissat piumasaqaatigisaat tunniunnagit, imaluunniit tamatuma saniatigut paasisutissanik Qularnaveeqqusiinermut Aningaasaatinik nakkutilliinermut atugassanik eqqunngitsunik imaluunniit paatsiveerussaataasunik tunniussisoq.«

45. § 23, imm. 2-mi, »Aningaasaateqarfik« allanngortinneqassaaq: »Qularnaveeqqusiinermut Aningaasaatit«-nngorlugu.

46. § 23 a-mi »§§ 21 c aamma 22 a-mi aalajangersakkat« allanngortinneqassaaq: »§ 21 c«-nngorlugu.

47. § 23 b imatut oqaasertalerneqassaaq:

»§ 23 b. Aningaasaqarnikkut Patajaassutsip inatsit imaluunniit maleruagassat inatsit malillugu atuutilersitaasut malillugit Qularnaveeqqusiinermut Aningaasaatit sinnerlugit aalajangiineri, pineqartumit aalajangiinerup siunnerfigisaanit, aalajangiinerup pineqartumut nalunaarutigineqarneraniit kingusinnerpaamik sapaatit akunneri sisamat qaangiutsinnagit Inuussutissarsiornermut Naammagittaalliuuteqartarfimmut suliassanngortissinnaavai.«

48. § 23 c atorunnaarsinneqarpoq.

Imm. 1. Peqqussut 1. januar 2019-imi atuutilissaaq, taamaattoq tak imm. 2-4.

Imm. 2. Nappartitseqqinniaanermut immikkoortoqarfiup, tak. aningaasaliisut aningaasalersuisullu qularnaveeqqusiinerannut aaqqissuussineq pillugu inatsisip Kalaallit Nunaannut atuuttussanngortinneqarnissaa pillugu peqqussummi § 7 a, imm. 3, inatsimmi matumani § 3, nr. 15-imi allanneqartumi, annaasaqarnermut akiliisussamaataanerit atorunnaarnissaasa tungaanut Aningaasaqarnikkut Patajaassutsimut attatiinnartassavai, aningaaseriviup suliaanik taakkualuunniit ilaannik Aningaasaqarnikkut Patajaassutsip tigusinerata kinguneranik piginneqatigiiffik pigineqartoq akiliisussamaataappat.

Imm. 3. Aningaasaliissutit, inatsisip matuma atuutilerana sioqqullugu aningaasaliisut aningaasalersuisullu Qularnaveeqqusiinerannut aningaasaateqarfimmit tamakkiisumik ilaannakortumilluunniit matussusigaasut, inatsisilli atuutilerata kingorna Qularnaveeqqusiineranut Aningaasaatinit tamakkiisumik ilaannakortumilluunniit matussusigaajunnaartut, matussusigaanertik attatiinnassavaat, aningaasaliissutit aningaasaliisumut pisinnaatitaasumut akilerneqarsinnaalernissaasa tungaanut. Nutaanik sanaartornermut atatillugu attartortitanit iluanaarutinut, siusinnerusukkut ukiut marluk tikillugit tamakkiisumik matussusigaasunut, aningaasat ikineqarnerannit oqaaseqatigiit siulliit sivisunerpaamik ukiuni marlunni atuutissapput.